

Ա Ր Զ Ա Ն Ա Գ Ր ՈՒ Թ Յ ՈՒ Ն

2019 թվականի մայիսի 13-ին կայացած Բարձրաստիճան պաշտոնատար անձանց էթիկայի հանձնաժողովի թիվ ՎԻՎ/25/2019 վարչական գործի քննության նիստի (կազմվել է 2019 թվականի մայիսի 13-ին և բաղկացած է մեկ էջից)

2019 թվականի մայիսի 13-ին, ժամը 12:15-ին, Երևան քաղաքի Բաղրամյան պողոտա 24 շենքի 3-րդ հարկի դահլիճում տեղի ունեցավ թիվ ՎԻՎ/25/2019 վարչական գործի քննությունը:

Գործի քննությանը մասնակցում էին Հանձնաժողովի անդամներ՝ Ա. Խուրավերդյանը, Լ. Պետրոսյանը, Ա. Սարգսյանը, (այսուհետ՝ Հանձնաժողով), նախագահությամբ՝ Ա. Սարգսյանի, քարտուղարությամբ՝ Լ. Պետրոսյանի:

Նիստը նախագահողը հայտարարեց Հանձնաժողովի կազմը: Նշվեց, որ քննության է առնվելու 02.05.2019թ. Հ/25/2019 արձանագրության հիման վրա Հանձնաժողովի 02.05.2019թ. որոշմամբ հարուցված թիվ ՎԻՎ/25/2019 վարույթի շրջանակում վարչական գործը՝ ՀՀ քննչական կոմիտեի հատկապես կարևոր գործերի քննության գլխավոր վարչության կոռուպցիոն, սեփականության դեմ ուղղված հանցագործությունների և կիբեռհանցագործությունների քննության վարչության ՀԿԳ քննիչ Արտաշես Ռուդիկի Գրիգորյանի կողմից վարչական իրավախախտումների վերաբերյալ ՀՀ օրենսգրքի 169.28-րդ հոդվածի 1-ին մասով (հայտարարատու պաշտոնատար անձի կողմից «Հանրային ծառայության մասին» ՀՀ օրենքով նախատեսված հայտարարագիրը Բարձրաստիճան պաշտոնատար անձանց էթիկայի հանձնաժողով «Հանրային ծառայության մասին» ՀՀ օրենքով սահմանված ժամկետում չներկայացնելը) նախատեսված առերևույթ վարչական իրավախախտում կատարելու հատկանիշներով հարուցված գործը:

Նիստը նախագահողը հայտնեց, որ պատշաճ ծանուցված Արտաշես Ռուդիկի Գրիգորյանը չի ներկայացել թիվ ՎԻՎ/25/2019 վարչական գործի քննությանը:

Հանձնաժողովը իր արձանագրային որոշմամբ որոշեց գործի քննությունը շարունակել պատշաճ կարգով ծանուցված Արտաշես Ռուդիկի Գրիգորյանի բացակայությամբ:


Հրապարակվեց վարչական իրավախախտման վերաբերյալ արձանագրությունը, որից հետո Հանձնաժողովը ուսումնասիրեց թիվ ՎԻՎ/25/2019 գործում առկա նյութերը:

Այլ ապացույցներ, ինչպես նաև միջնորդություններ կամ լրացուցիչ հարցադրումներ չներկայացվեցին:

Հանձնաժողովը գործի քննությունը հայտարարեց ավարտված և հրապարակեց «նախագգուշացում» վարչական տույժ կիրառելու մասին Հանձնաժողովի որոշումը:

Նիստը նախագահող՝

Նիստի քարտուղար՝



Ա. Սարգսյան



Լ. Պետրոսյան



**ԲԱՐՁՐԱՍՏԻՃԱՆ ՊԱՇՏՈՆԱՏԱՐ ԱՆՁԱՆՑ ԷԹԻԿԱՅԻ
ՀԱՆՁՆԱԺՈՂՈՎ**

Թիվ ՎԻՎ/25/2019

ՈՐՈՇՈՒՄ

ՎԱՐՉԱԿԱՆ ՏՈՒՅԺ ԿԻՐԱՌԵԼՈՒ ՄԱՍԻՆ

ք. Երևան

13 մայիսի 2019թ.

Բարձրաստիճան պաշտոնատար անձանց էթիկայի հանձնաժողովը, հետևյալ կազմով՝ Ա. Խուդավերդյան, Ա. Սարգսյան, Լ. Պետրոսյան, (այսուհետ՝ Հանձնաժողով), նախագահությամբ՝ Ա. Սարգսյանի, քարտուղարությամբ՝ Լ. Պետրոսյանի,

2019 թվականի մայիսի 13-ին քննելով ՀՀ քննչական կոմիտեի հատկապես կարևոր գործերի քննության գլխավոր վարչության կոռուպցիոն, սեփականության դեմ ուղղված հանցագործությունների և կիբեռհանցագործությունների քննության վարչության ՀԿԳ քննիչ Արտաշես Ռուդիկի Գրիգորյանի կողմից Վարչական իրավախախտումների վերաբերյալ ՀՀ օրենսգրքի (այսուհետ՝ Օրենսգիրք) 169.28-րդ հոդվածի 1-ին մասով (հայտարարատու պաշտոնատար անձի կողմից «Հանրային ծառայության մասին» ՀՀ օրենքով (այսուհետ՝ Օրենք) նախատեսված հայտարարագիրը Բարձրաստիճան պաշտոնատար անձանց էթիկայի հանձնաժողով «Հանրային ծառայության մասին» ՀՀ օրենքով սահմանված ժամկետում չներկայացնելը) նախատեսված առերևույթ վարչական իրավախախտում կատարելու հատկանիշներով հարուցված գործը՝

ՊԱՐԶԵՑ

1. Վարչական իրավախախտման վերաբերյալ գործի վարույթի նախապատմությունը.

1. Հանձնաժողովն, իրականացնելով «Հանրային ծառայության մասին» ՀՀ օրենքի (այսուհետ նաև՝ Օրենք) 43-րդ և 43.1-ին հոդվածներով իրեն վերապահված գործառույթները, էլեկտրոնային հայտարարագրերի ռեեստրի տվյալների ուսումնասիրության արդյունքներով պարզել է, որ Արտաշես Ռուդիկի

Գրիգորյանի պաշտոնեական պարտականությունները ստանձնելու կամ դադարեցնելու օրվա դրությամբ առկա գույքի, եկամուտների և փոխկապակցված հայտարարագիրը (այսուհետ նաև՝ Հայտարարագիր) հանձնված և հրապարակված հայտարարագրերի ցանկում առկա չէ:

2. Արտաշես Ռուդիկի Գրիգորյանի պաշտոնեական պարտականությունները դադարեցվել են 03.09.2018 թվականին: Սակայն վերջինս «Հանրային ծառայության մասին» ՀՀ օրենքի 33-րդ հոդվածով սահմանված 30 օրվա ընթացքում Հանձնաժողով չի ներկայացրել պաշտոնեական պարտականությունները դադարեցնելու օրվա դրությամբ առկա գույքի, եկամուտների և փոխկապակցված անձանց հայտարարագիրը:

3. Վերոնշյալի առնչությամբ 2019 թվականի մայիսի 2-ին կազմվել է թիվ Հ/25/2019 արձանագրությունը՝ Վարչական իրավախախտումների վերաբերյալ ՀՀ օրենսգրքի 169.28-րդ հոդվածի 1-ին մասով նախատեսված առերևույթ իրավախախտման հատկանիշներով:

4. Հանձնաժողովի 02.05.2019 թվականի որոշմամբ հարուցվել է վարչական իրավախախտման վերաբերյալ թիվ ՎԻՎ/25/2019 գործի վարույթը և նշանակվել է վարչական իրավախախտման վերաբերյալ գործի քննություն:

5. 13.05.2019թ. նշանակված վարչական գործի քննությանը պատշաճ ծանուցված Արտաշես Ռուդիկի Գրիգորյանը չէր ներկայացել:

6. Հանձնաժողովը իր արձանագրային որոշմամբ որոշեց գործի քննությունը շարունակել պատշաճ կարգով ծանուցված Արտաշես Ռուդիկի Գրիգորյանի բացակայությամբ:

II. Գործի քննության ընթացքում հաստատված հանգամանքները.

7. Հանձնաժողովն, ուսումնասիրելով և վերլուծելով թիվ ՎԻՎ/25/2019 գործում առկա նյութերը, կատարելով գործի հանգամանքների քննություն, հաստատված է համարում, որ Արտաշես Ռուդիկի Գրիգորյանի պաշտոնեական պարտականությունները դադարեցվել են 03.09.2018թ., սակայն վերջինս «Հանրային ծառայության մասին» ՀՀ օրենքի 33-րդ հոդվածով սահմանված ժամկետում Հանձնաժողով չի ներկայացրել պաշտոնեական պարտականությունները դադարեցնելու օրվա դրությամբ գույքի, եկամուտների և փոխկապակցված անձանց հայտարարագիրը:

III. Որոշումն ընդունելու իրավական հիմքերը.

8. Արտաշես Ռուդիկի Գրիգորյանն Օրենքի 32-րդ հոդվածի ուժով հանդիսանում է գույքի, եկամուտների և փոխկապակցված անձանց մասին հայտարարագիր ներկայացնելու պարտականություն ունեցող անձ:

9. Օրենքի 33-րդ հոդվածի 1-ին մասի համաձայն՝ հայտարարատու պաշտոնատար անձինք պաշտոնեական պարտականությունները ստանձնելու կամ դադարեցնելու օրվա դրությամբ հայտարարագրերը այդ օրերին հաջորդող 30 օրվա ընթացքում ներկայացնում են Հանձնաժողով:

10. Օրենքի 32-րդ հոդվածի 6-րդ մասի համաձայն՝ հայտարարատու պաշտոնատար անձի կողմից հայտարարագրերը Օրենքով սահմանված ժամկետների պահպանմամբ Հանձնաժողով չներկայացնելն առաջացնում է օրենքով նախատեսված պատասխանատվություն:

11. Օրենքի 43-րդ հոդվածի 1-ին մասի 7-րդ կետի համաձայն՝ Հանձնաժողովի գործառույթներից է հայտարարատու պաշտոնատար անձի կողմից Օրենքով նախատեսված հայտարարագրերը Հանձնաժողով օրենքով սահմանված ժամկետներում չներկայացվելու դեպքում օրենսդրությամբ սահմանված կարգով վարչական իրավախախտումների վերաբերյալ գործեր քննելը և վարչական տույժեր նշանակելը:

12. Օրենսգրքի 169.28-րդ հոդվածի 1-ին մասի համաձայն՝ հայտարարատու պաշտոնատար անձի կողմից Օրենքով նախատեսված հայտարարագիրը Հանձնաժողով Օրենքով սահմանված ժամկետներում չներկայացնելը առաջացնում է նախազգուշացում:

13. Օրենսգրքի 244.17-րդ հոդվածի համաձայն՝ Օրենսգրքի 169.28-րդ հոդվածով նախատեսված վարչական իրավախախտումների վերաբերյալ գործերը քննում և վարչական տույժեր է նշանակում Հանձնաժողովը:

Ելնելով վերոգրյալից և ղեկավարվելով «Հանրային ծառայության մասին» Հայաստանի Հանրապետության օրենքի 32-րդ հոդվածի 6-րդ մասով, 43-րդ հոդվածի 1-ին մասի 7-րդ կետով, Վարչական իրավախախտումների վերաբերյալ Հայաստանի Հանրապետության օրենսգրքի 23-րդ հոդվածի 1-ին մասով, 25-րդ հոդվածով, 37-րդ հոդվածի 7-րդ մասով, 169.28-րդ հոդվածի 1-ին մասով, 244.17-րդ հոդվածով՝

Բարձրաստիճան պաշտոնատար անձանց էթիկայի հանձնաժողովը որոշեց.

1. Արտաշես Ռուդիկի Գրիգորյանի կողմից պաշտոնական պարտականությունները ստանձնելու կամ դադարեցնելու օրվա դրությամբ առկա գույքի, եկամուտների և փոխկապակցված հայտարարագիրը Բարձրաստիճան պաշտոնատար անձանց էթիկայի հանձնաժողով «Հանրային ծառայության մասին» Հայաստանի Հանրապետության օրենքով սահմանված ժամկետում չներկայացնելու համար Արտաշես Ռուդիկի Գրիգորյանի նկատմամբ կիրառել «նախազգուշացում» վարչական տույժ:

2. Վարչական իրավախախտումների վերաբերյալ Հայաստանի Հանրապետության օրենսգրքի 40-րդ հոդվածին համապատասխան՝ վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որի չկատարելու համար նշանակվել էր վարչական տույժ:

3. Արտաշես Ռուդիկի Գրիգորյանին տեղեկացնել, որ Վարչական իրավախախտումների վերաբերյալ Հայաստանի Հանրապետության օրենսգրքի 169.28-րդ հոդվածի 2-րդ մասին համապատասխան՝ վերոնշյալ վարչական տույժի կիրառումից հետո՝ 30 օրվա ընթացքում, հայտարարագիրը չներկայացնելը

առաջացնում է տուգանքի նշանակում՝ սահմանված նվազագույն աշխատավարձի
Երկու հարյուրապատիկի չափով:

4. Սույն որոշումն ուժի մեջ է մտնում Արտաշես Ռուդիկի Գրիգորյանին այն
սահմանված կարգով հանձնելու (հանձնված համարվելու) հաջորդող օրվանից:

5. Սույն որոշումը կարող է բողոքարկվել ՀՀ օրենսդրությամբ սահմանված
կարգով և ժամկետում:


Հանձնաժողովի անդամներ՝



Ա. Խուդավերդյան



Ա. Սարգսյան



Լ. Պետրոսյան